

فيديو #٦٢٠ من مقاطع حظر التجول تدبر سورة الإسراء # ٩١ الآية

٤٠١-٧٩

فاضل سليمان

السلام عليكم ورحمة الله وبركاته. اهلا بحضراتكم في المقطع رقم متين وستين من مقاطع حظر التجول والمقطع رقم تسعناشر من مقاطع تدبر سورة الاسراء المعروفة ايضا باسمبني اسرائيل والمعروفة ايضا باسم سورة سبحان. ارجو من حضراتكم تجيبيوا المصاحف. اخر اية تدبرناها امبارح كانت الآية ستة وتسعين - ٠٠:٠٠:٠٠

الآية ستة وتسعين فيها اه امر النبي صلى الله عليه وسلم بغل الحوار مع المشركين بعد ما زودوها جدا في العناد والتعنت والتکذیب وقلة الادب شوف بقى ستة وتسعين اقرا معي ستة وتسعين تاني برضو عشان نسترجع كده السياق - ٠٠:٠٠:٣٧
اعوذ بالله السميع العليم من الشيطان الرجيم قل كفى بالله شهيدا بيني وبينكم انه كان بعابده خبيرا بصيرا قل كفى بالله شهيدا بنا. اقفل بقى الحوار وقل لهم ربنا شهيد بيني وبينكم خلاص - ٠٠:٠٠:٥٦

طب ولما النبي عليه الصلاة والسلام يغل الحوار معهم الناس دي مين هيهدىها؟ اقرا سبعة وتسعين. هنبدأ بقى من النهاردة. ومن يهد الله فهو المهتد ومن يضل فلن تجد له اولياء من دونه ونحشرهم يوم القيمة على وجوههم عميا وبيكما - ٠٠:٠١:١٧
ماواهم جهنم كلما خبّت زدناتهم سعيرا الآيات اللي زي دي اللي فيها ان الله هو الذي يهدي ويضل لابد ان تفهم في ضوء ايات سورة الشمس وانتم مغمضين عشان الانسان ما يضلش في الحلة دي - ٠٠:٠١:٣٩
والا قد ان الانسان يفكر ان الله سبحانه وتعالى يكره الناس على الهدایة او على الضلال وده مش حقيقي ايات سورة الشمس ونفس وما سواها. ربنا بيقسم بالنفس. كل نفس انسانية - ٠٠:٠٢:٠٣

كل واحد مننا اسمه نفس. ونفس وما سواها فالهمها فجورها وتقواها. ربنا لهم كل نفس القدرة على الفجور والعصيان قدرة على التقوى والطاعة. فالهمها فجورها وتقواها. كل نفس تقدر تفجر وتقدر - ٠٠:٠٢:٢١

اتق الله الخطوة الجاية بقى مين اللي هيأخذ الخط ده؟ ومين هيأخذ الخط ده؟ قد افلح من زكاها وقد خاب من ده الساعة يعني كل نفس كل انسان بایده ان هو يزكي نفسه. يعني ينظف نفسه. يعني يطهر نفسه - ٠٠:٠٢:٤٥
من المعصية ومن الفجور اللي جواه وكل انسان في ایده ان هو دسها يدنس نفسه يعني يوشخ نفسه يدنس نفسه. بانه يرفض التقوى ويرفض الطاعة ويلجأ للايه؟ للفجور وللمعصية. طيب امال ايه حكاية ان ربنا هو - ٠٠:٠٣:٠٧
هو اللي بيهدى ويضل دي مش ده بيتعارض مع مع ان الانسان بایده يطهر نفسه او يدنسها زي ما قالت سورة الشمس لأ ما فيش تعارض. ليه بقى على المستوى الجماعي - ٠٠:٠٣:٢٨

هناك فئات ربنا بيهدىها وفئات ربنا بيضلها ربنا حكم على فئة المتقين بالهدایة وعلى فئة الخائن بالضلال حكم على فئة المصلحين بالهدایة. وعلى فئة المفسدين بالضلال. حكم على فئة الصادقين بالهدایة - ٠٠:٠٣:٤٦

وعلى فئة الكاذبين بالضلال وعلى المستوى الشخصي بقى كل فرد كل انسان بایده ان هو يطهر نفسه فيجعلها من الفئات اللي ربنا كتب عليها الهدایة المتقين المصلحين الصادقين. فكل انسان يقدر يحط نفسه مع الفئات دي او مع الفئات دي. يستطيع يحط نفسه يدنس نفسه بانه - ٠٠:٠٤:١٤

تجعلها من الفئات الضالة مع الخائن والفسدين والكاذبين وغيرهم. تمام نرجع بقى للاية سبعة وتسعين ومن يهد الله فهو المهتد ده

اسلوب قصر. يعني الله لا يعني يعني اللي هيهدى هو اللي ربنا هيهدى فقط - 00:04:42

ما فيش حد حد تاني بيهدى. ما فيش حد آآ عالم بيهدى. ما فيش حد آآ الشيطان بيهدى ابدا اللي بيهدى هو هو بس اللي ربنا بيهدى. ومن يهد الله - 00:05:04

فهو فقط المهدى فهو المهدى تمام؟ طيب اه وكذلك واللي ربنا هيضلل ومن يضل بص الالتفات في العدد بقى. ومن يضل فلن تجد له لأن. فلن تجد لهم التفات في العدد من المفرد للجمع - 00:05:21

ومن يضل فلن تجد لهم اولياء من دونه قلب الصيغة من مفرد لصيغة الجمع. دي بتتحىي بان عدد الذين سيضلوا اكبر من عدد الناس اللي هتبقى عن الهدى تتحىي بانه ما فيش هروب للوراء - 00:05:46

خلاص اللي بيضل مش هيرجع يحتل. ومن يضل فلن تجد لهم اولياء من دونه. خلاص؟ فيه ناس هتضل مش هيلاقى لقوا حد يحميهم ولا يحوش عنهم العزاب من ربنا خلاص - 00:06:08

كمل سبعة وتسعين ونحشرهم يوم القيمة على وجوههم رميا وبكما وصما مأواهم جهنم كلما خبت زدناهم سعيرا. الناس دول ضلوا واضلوا. منعوا العلم عن الناس. منعوا الحقيقة ثقة عن الناس. نشروا الجهل. نشروا الخرافه - 00:06:24

بدل ما ينشروا العلم وينشروا الحقيقة يعني عطلا نعمة السمع ما تخلوش الناس تسمع الحقيقة. وما سمعوش نفسهم هم الحقيقة وراحوا للباطل وعطلوا نعمة البصر. اللي كانت عند مجتمعات كاملة وما بقوش يوروهم الحقيقة. ما بقوش هم يشوفوا الحقيقة. جزاءهم يوم القيمة ايه بقى؟ ونحشرهم - 00:06:51

يوم القيمة على وجوههم عميا وبكما وصما فيحشروا على وجوههم. قلنا الحش هي حركة يعني حركة جموع كبيرة من مكان لمكان. ده اسمه حشو فهم هييجوا بيحشروا جايين بقى بيتحرکوا مكفيين على وشهم - 00:07:13

ومش شايفين حاجة سيفقدوا البصر ارجع للاية اتنين وسبعين. ومن كان ارجع للاية اتنين وسبعين في السورة. هات لي آآ اية اتنين وسبعين. يلا ارجع كده صفحتين جبت اتنين وسبعين ومن كان في هذه اعمى فهو في الاخرة اعمى واضل سبيلا - 00:07:36

يعني اللي كان بيعمي نفسه عن رؤية الحق في الدنيا سيكون في الاخرة اعمى في الحقيقة واضل سبيلا حتى سامعين حاجة سيفقدوا السمع زي ما رفضوا انهم يسمعوا الحق في الدنيا. لا يستطيعوا حتى الكلام بكم زي ما كان - 00:07:58

مفتونين عن قول الحق في الدنيا. فتخيلوا الفزع اللي ممكن يكون فيه انسان في الوقت ده مقطوع عن العالم المحيط به. لا هو شايف ولا هو سامع ولا حتى قدر يتكلم. وبيعذب في النار وهو في الحالة دي - 00:08:22

كمل الاية ونحشرهم يوم القيمة على وجوههم عميا وبكما وصما مأواهم جهنم كلما خبت زدناهم سعيرا. خبط يعني خف لهيبها. لما بيترموا في النار اللهيب بيقل فربنا بيقول مزود السعيد - 00:08:40

افتتح النار المفسرين قالوا اجسادهم هي اللي بيقل اللهيب فيها لكن جهنم لا يخبو سعيرها ابدا تمانية وتسعين وشوف العزاب ده جزاء اصل الكلام صعب قوي طب الناس دي يعني عملت كل ده اقرابا بقى - 00:09:01

تمانية وتسعين. ذلك جزاؤهم بانهم كفروا بآياتنا وقالوا اذا كنا عظاما ورفاتا ائنا لمبعوثون خلقا جديدا؟ ده جزائهم لأنهم كفروا الله وكفروا بالآخرة كفروا بالبعث والحساب القرآن كفروا به كفروا بآياتنا. يعني كفروا بآيات القرآن. وكفروا بآيات الله الكونية. كان حواليهم الشمس والقمر والنجوم والطبيعة والسفن الضخمة اللي بتجري - 00:09:18

الماء وكل ده آيات كونية. كفروا بها كل ده لم يجعلهم يؤمنوا بالله واللي ربنا ارسل له بقى منهم آيات حسية. معجزات بقى زي ناقد صالح عصا موسى كفر بها ايضا - 00:09:52

اسروا بها وشتموا النبي اللي جابها. وقالوا عليه الساحر ذلك جزاؤهم بانهم كفروا بآياتنا. سواء المعجزات او آيات الكتاب اللي ربنا ارسله او آيات الكونية وقالوا اذا كنا عظاما ورفاتا ائنا لمبعوثون خلقا جديدا؟ كانوا مستكترين على ربنا انه يعيid خلقهم. ومستصعب - 00:10:09

الامر قوي اهو افضلوا صدقتم؟ ادي انتم رجعتم بيصدقوا وهم في النار بعد فوات الاوان اقراء تسعه وتسعين اولم يروا ان الله الذي

خلق السماوات والارض قادر على ان يخلق مثلهم - 00:10:35

وجعل لهم اجلا لا ريب فيه فابى الظالمون الا كفورا هم مش شاييفين ان الله القوي القادر بدليل انه خلق السماوات والارض حاضر برضه ان هو يخلق مثلهم قال اولم يروا ان الله الذي خلق السماوات والارض قادر على ان يخلق مثلهم - 00:10:57

يعني يخلق اجسام جديدة لهم بدل الاجساد التي بليت ان الخلق انت بتبدأ شيء جديد فزي ما خلقهم قبل كده وجعل لهم اجلا لا ريب فيه زي ما خلقهم قبل كده - 00:11:28

في الدنيا وجعل لكل انسان عمر بينتهى بالموت وده امر لا يشك فيه الانسان اجلا لا ريب فيه. ما حدش شك ان هو هيموت فابى الظالمون الا كفورا. للاسف بالرغم من كل هذا الوضوح. وكل هذه المنطقية الظالمون - 00:11:46

اصروا على الكفر كفورا. يعني كفر شديد لانه لما تبقى الحقيقة واضحة بهذا الشكل فكمية الكفر المطلوب عشان الانسان يكفر بها. لازم تكون كفر جديد كبير جدا. يعني سوبر كفر - 00:12:08

عشان الانسان يكفر لازم تكون يعني يكون كفر شديد جدا. لان الحقيقة واضحة جدا هيكرر بها ازاي دي؟ اقرا مية اقرا الاية مية قل لو انت تملكون خزائن رحمة ربى - 00:12:27

اذا لامسكتم خشية الانفاق وكان الانسان قطروا. ركزوا بقى معنی هنا الناس اللي بيقولوا ربنا لازم يدي لك بيت من زخرف يعني من دهب وجنات وعزب وانهار والكلام ده كله. لو كانوا يملكون خزائن ربنا ما كانوا هينتفقوا باستمرار منها زي ما ربنا بينفق - 00:12:43

بيوت الخليل انهم يخشون ايه؟ يخشون هم اصلا بيقتلوا عيالهم خشية املاقي ارجع للاية واحد وتلتين بقى هات اية واحد وتلتين ولا تقتلوا اولادكم خشية املاقي نحن نرزقهم واياكم. الناس بتخاف يا جماعة تنفق ليه - 00:13:12

خوفا من الفقر الاملاقي الافلاس لكن يعني ايه مش بينفق خشية الانفاق يعني ايه خشية الانفاق؟ انا ما سمعتهاش قبل كده يعني اقرا كده معنی الاية مية في عندي فيها كذا سؤال - 00:13:32

وقفت فيها النهاردة بتاع ساعة قل لو انت تملكون خزائن رحمة ربى لو انت في ايديك وتملكوا خزائن الخيرات بتاعة ربنا دي كلها اذا لامسكتم يعني قفلتم وما صرفتوش. قفلتم عشان خشية مش الفقر - 00:13:50

مش الافلاس. خشية الانفاق يعني خاشية الانفاق سيب السؤال ده على جنب ومش هجاوبه دلوقتي. هطرح سؤال تاني وبعد كده هنلاقي السؤالين بيتجاوبيوا مع بعض وكان الانسان قطروا. يعني ده الانسان بطبيعته شحيح وبخيل. طيب - 00:14:15

انا فكرت في الاية دي الحقيقة ايه اصلا علاقة الاية دي بموضوع السورة وبالقطع اللي هي فيه. ليه ربنا فجأة بقى بيكلم الانسان ان هو لو مكان ربنا وبيملك خزائن الخيرات بتاعة ربنا ما كانش هينفق ويعطي منها وكان هيبخل. ايه دخل الكلام - 00:14:36

في الفلوس وفي البخل وفي الشح وفي الكلام ده دلوقتي. واحنا يعني ليه ربنا غير الموضوع من كلام عن الكفر والايامن للكلام عن خيرات ربنا وبخل الانسان. ليه فكر كده - 00:14:54

لو انت بتقرأ ولم تشعر بتغير الموضوع بقى انت مش مركز وانت بتقرأ. بتقرأ بدون فهم للتدارب يا اما بقى انت دبرتها قبل كده وفهمت المقصود منها فبقت زي المية معك بقى خلاص فهمت - 00:15:13

عندنا سؤالين الاية دي قال خشية الانفاق مش خشية املاقي زي الاية واحد وتلتين. مش خشية الفقر لا الناس اللي لو في ايديها خزائن ربنا هتمسك احسن تنفق مش عايزه تنفخ اصلا - 00:15:29

وايه علاقة الاية دي اصلا بموضوع السورة؟ القصور عمالة تتكلم عن الكفر والايامن. جايين نتكلم دلوقتي عن عن البخل والانسان بخيل والكلام ده فكروا شوية الايات اللي قبلها بتقول ايه - 00:15:48

وصل الاية سبعة وتسعين كده بص معنی في سبعة وتسعين. ومن يهد الله فهو المهتد ومن يضل فلن تجد لهم اولياء من دونه ونحشرهم يوم القيمة على وجودهم. وقلنا الالتفات من المفرد للجمع بيشير لان معظم الناس ستكرر. معظم - 00:16:04

الناس ستكرر يا جماعة. طيب تسعه وتسعين معالم اولم يروا ان الله الذي خلق السماوات والارض قادر على ان يخلق مثلهم وجعل لهم اجلا لا ريب فيه. اسمع فابى الظالمون الا كفورا. معظم الناس هيكرروا وهبيقو كفار - 00:16:25

سوبر كفار كفور مصرين على الكفر الكفر الشديد تعال بقى لليايمية بتاعتنا اللي احنا دلوقتي بنتدبرها ومش فاهمين ايه علاقتها
بالموضوع قل لو انت مملكون خزائن رحمة ربى اذا لامسكتم خشية الانفاق - 00:16:50

لو انت مملكون خزائن الخيرات بتاعة ربنا. هتمسكونا وتقفلوا عليها عشان ما تنفقوش لانكم مش عاوزين تطلعوا قرش واحد للناس دي
لانها ما تستحقش خشية الانفاق هو ده معناها ان لو بنى ادم بنى ادم طبيعي - 00:17:11

هو صاحب الخزائن دي مش شايف الناس اللي عمال يديها بتكرر به مش هيداهم. الطبيعي انه ما يديهمش. يعني ده شيء غير طبيعي
ان ربنا بيهمه بهذا الشكل وبيكرم وبيجود - 00:17:35

حتى على اللي ما يستاهلش شفتم بقى الموضوع؟ له علاقة بالكفر والايام. ما هو اش موضوع بخل دلوقتي. تخيل نفسك انت
صاحب شركة. وعندك موزفين مش بيعرفوا وجودك هل هتستمر في اعطائهم راتب اخر الشهر؟ - 00:17:52

لا بيسمعوا كلامك ولا بيقرروا التعليمات بتاعتك. ولا بيفزوهوا ولا بيعملوا اللي انت بتقول عليه. ومش معترفين بوجودك او بيترىقوا
عليك ويتكلموا عنك كلام وحش هتقول الخزنة لانك مش خايف من الفقر. لانك لا تزيد انك تطلع منها قرش للناس اللي ما تستاهلش.

خشية الانفاق - 00:18:10

مش عايز تنفق اصلا عليهم. مش خشية املأ مش خشية فقر وكان الانسان قاطورا. الانسان لا يعطي بدون مقابل صرف جنيه عشان
تاخد به حاجة. هتاخد به خدمة؟ هاطلع مرتب لحد يعمل لي اللي يعمل الشغل بتاعه. هتاخد به بضاعة هتطلع - 00:18:33

لتاجر اخد بها البضاعة بتاعته اخد بها الحاجة اللي بشرتها او بتاخد به ولاء او بتشتري به الطاعة بتاعة ناس او بتشتري به حب
لناس. يعني واحد بيصرف على اهله وعلى بناء متوقع من على الاقل يحبوه - 00:18:54

لكن ربنا انه هو بس فقط اللي بيعطي دون مقابل دون مقابل الكافر بيكرم ربنا وربنا مفرقه في نعمه. وبيحمل عليه وصابر عليه
وبيمهله فهمتم بقى الاية دية اللي بين السطور والمعنى اللي ورا الاية اخطر من الكلام الظاهري خالص - 00:19:10

لا بس تربط بالايات اللي حولها هو ده التدبر انك بتربط الاية ايه علاقتها بالايات اللي قبلها وبالايات اللي بعدها؟ طيب ربعمية واحد
ولقد اتينا موسى تسع ايات بينات ليه تسعه - 00:19:40

لو انسان مكان ربنا كان هيدي فرعون تسع ايات كان هيدي له اية واحدة او ايتين بعد كده هيدي له على دماغه. لكن ربك ادي فرعون
تسع ايات كل اية منهم تكفي عشان امة كاملة تسلم - 00:20:01

ده كفاية العصا اليد اللي بتطلع بيضة الطوفان اللي حصل وغرق القرى ولقد اتينا موسى. اقرا معى مية وواحد. ولقد اتينا موسى تسع
ايات بينات بسألبني اسرائيل اذ جاءهم فقال له فرعون اني لاظنك يا موسى مسحورا - 00:20:20

التسع ايات دول هم العصا اليد الدم الطوفان القمل الجراد الضفادع شق البحر تسع ايات بس سيدنا موسى كان عنده ايات تانية.
يعني المن والسلوى ما هو اية من الايات - 00:20:46

نطق الجبل الجبل لما اتخلع وارتفع فوق دماغبني اسرائيل ما هي دي اية من الايات ربنا زكر الايات اللي اوتها سيدنا موسى لفرعون
وقومه كدليل على صحة كلامه. اللي كنا بنقوله الاية لو تمت بين النبي والصحابة ما بتتقاش اسمها معجزة - 00:21:06

اسمها خارقة. اية. انما المعجزة لما تحدث امام الخصوم لتعجزهم الايات اللي جت ووجه وواجه بها سيدنا موسى فرعونه وقومه تسع
ايات تمام؟ فده بيؤيد الكلام اللي كنت بقوله ان ده من جود ربنا وكرمه انه بيعطي الكفار ويهمه رغم كفرهم - 00:21:28

فرعون تسع ايات مع ان واحدة كان كفاية ويخلص ويقطعوا دماغهم ويغرقوا تسع ايات ربنا بيهمه ولا يهمل فلما ذكر ايات موسى لم
يذكرها كلها وذكر المعجزات فقط اللي حصلت قدام الخصوم - 00:21:56

شف بقى ربنا اعطى كل هذه الايات الحسية لفرعونه وقومه لسيدنا موسى. لا. قال له علي ساحر قالوا عليه سحر عشان بس ما حدش
يقول ايه؟ ما هو برضه كده ربنا فوت فرصة انه لو كان بعت ايات حسية لسيدنا محمد كان الناس هتؤمن. يا عم الناس ما امنتش
قبل كده - 00:22:14

الايات الحسية ما بتجيبيش نتيجة او زي ما الناس فاهمة كده. وبتجيب نتيجة بيتخلي بيتقابل على النبي آآ سحر ولقد اتينا موسى

تسع ايات بینات فاسائل بنی اسرائیل اذ جاءهم فقال له فرعون - [00:22:34](#)

اني لاظنك يا موسى مسحورا. فرعون بدل ما يؤمن اصر على الكفر وقال لموسى انت مسحور يعني اوتیت علم السحر وانت سحر بس سحر كبير مية واتین قال لقد علمت - [00:22:53](#)

ده سیدنا موسى بيرد عليه. قال لقد علمت علمت انت. فيها قراءة علمت برضو قال لقد علمت يا فرعون ما انزل هؤلاء الا رب السماوات والارض بصائر واني لاظنك يا فرعون مثبورة - [00:23:14](#)

سیدنا موسى قال له انت فاهم كوييس وعارف كوييس ان هذه الایات لم ينزلها الا رب السماوات والارض. بلا سحر بلا كلام ايات بصائر تفتح عين اللي ما بيشوفش واضحة جدا في صورة التمل ربنا بيقول وجحدوا بها واستيقن - [00:23:32](#)

يعنيهم في انفسهم موقنین من عند ربنا. لكن برضه بيجحدوا الايجو العند اکتر الناس يا جماعة فهمت الاسلام هم الكفار نفسهم يعني ابو لهب وابو جهل فهمه كوييس جدا - [00:23:55](#)

يعني ايه لا الله الا الله محمد رسول الله فاهمين قوي من اول يوم. لكن ما كانواش مستعدین يحرروا العبيد. يحرروا المرأة ويدوها حريتها. ويتنازلوا عن مکاسبهم السياسية والاقتصادية والاجتماعية الظالمة - [00:24:13](#)

فعشان الشهوات رفضوا اللي هم مستيقنین من صحته واني لاظنك يا فرعون مثبورة يعني ملعون بعد عن رحمة ربنا. لانك شايف الحق وبرضو بتضحك اقرا مية وتلاتة معك فاراد ان يستفزهم من الارض فاغرقناه ومن معه جمیعا. فرعون حب انه يستفز بنی اسرائیل من الارض اي من البلد - [00:24:29](#)

ايه يا مصر يخرجوا بس يستفزونهم عشان هم اللي يخرجوا يستفز يعني يحثهم على الخروج. ولم ترد القرآن الا في تلات مواضع الاستفزاز التلات مواضع كلهم في سورة الاسراء رکز بقى في موضوع الاستفزاز ده - [00:24:57](#)

الایة اربعة وستين ارجع لایة اربعة وستين ربنا بيكلم الشیطان بيقول له ايه اربعة وستين واستفزز من استطعت منهم بصوتك واجلب عليهم بخيرك ورشدك يبقى الشیطان بيستفز الناس عشان يقوموا يخفوا ويقوموا - [00:25:15](#)

يعملوا الحرام ستة وسبعين هات ستة وسبعين کفار قريش وهم يريدون اخراج النبي محمد عليه الصلة والسلام من مکة. ربنا بيقول له وان کادوا ليستفزونك من الارض ليخرجوك منها. واذا لا يلثون خلافك الا قليلا - [00:25:40](#)

هات بقى مية وتلاتة. فرعون بيستفز المؤمنین عشان يخرجوا من مصر. وبالتالي دايما وردت كلمة الاستفزاز في سیاق سلبي جدا ومن الكفار من الكفار او من الشیطان فکر بقى في وقع هذا الكلام على النبي عليه الصلة والسلام - [00:26:02](#)

قبل الهجرة بسنة ونص وهو مضغوط عليه جدا هو والصحابة واوبشن مسألة الهجرة اقتراح مطروح وبالفعل معزم الصحابة هاجروا اصلا على قارة تانية افريقيا. راحوا للجحشة الدنيا مولعة فشوف بقى لما ينزل له الصورة دي فيها كلمة استفزز تلات مرات بتربط له. بين استفزاز الشیطان اللي بيعمل کده ده الشیطان - [00:26:22](#)

واستفزاز فرعون للمؤمنین من بنی اسرائیل. اللي انتهى بهالك فرعون ونجاة موسى وبنی اسرائیل. يربط بين دول وبين استفزاز قريش للنبي. عليه الصلة والسلام. وان کادوا لا يستفزونك يا محمد من الارض ليخرجوك منها. واذا لا - [00:26:52](#)

خلافك الا قليلا. يبقى دي بشرى للنبي محمد صلی الله عليه وسلم بانه منصور على قريش باذن الله وفي وقت استضعف شديد جدا الكلام ده بینzel استضعف شديد لا يمكن انسان يتصور بالمقاييس المادية ان المجموعة المستضعفه المشتتة بين قارتين دول - [00:27:13](#)

هتنتصر وقربا لا يمكن حد يتخيّل استضعف شديد جدا بيقتلوا بيذبحوا بيعذبوا وبينفوا في منافي الارض ولا يمكن حد كان يتخيّل بمقاييس الدنيا ان دول هيتنتصروا. ابدا. اقرا مية واربعة - [00:27:37](#)

اقرا مية واربعة. وقلنا من بعده لبني اسرائیل اسكنوا الارض فاذا جاء وعد الاخرة جئنا بكم لفيفا. بعد کده ربنا اسكن بنی اسرائیل في كل انحاء الارض. اسكنوا الارض كل الارض بقى - [00:27:57](#)

مسمین هم في الارض لغاية ما يحيّن وعد الافساد الثانية في ارض فلسطين هيأتي بهم لفيفا من كل انحاء العالم ارجع لایات اربعة

وخمسة وستة من هذه السورة. انفرج على الفيديو بنتائجها تلقي اذن كان الفيديو الثاني. وافتكر الاسدتين اللي هي عملوها -

00:28:13

والتفاصيل المختلفة اللي اتكلمنا فيها عشان ما اعيديش الموضوع كله تاني. دور المسلمين في انهاء الافساد الاخيرة متوقفون الليلة باذن الله. خلاص احنا تقريبا ان شاء الله هنخلص الاسراء بكرة - 00:28:36

اللهم انا نسألك حبك وحب من يحبك وحب كل عمل يقربنا الى حبك. اللهم ما رزقنا ما نحب فاجعله قوة لنا فيما تحب وما زويت عنا 00:28:51 مما نحب فاجعله فراغا لنا فيما تحب. اللهم اجعل حبك احب اليها من اهلينا واموالنا ومن الماء البارد -

اللهم حبنا اليك والى ملائكتك وانبيائك ورسلك وعبادك الصالحين. واجعلنا من يحبك ويحب ملائكتك وانبيائك ورسلك وعبادك 00:29:11 الصالحين. اللهم احيي قلوبنا بحبك. واجعلنا لك كما تحب. اللهم اجعلنا نحبك بكل قلوبنا. ونرضيك بكل اجسادنا -

اللهم اجعل حبنا كله لك وسعينا كله في مرضاتك اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا 00:29:32 ومغفرة ذنوبنا اسأل الله العلي العظيم ان يجعل هذا التدبر في ميزان حسناتي وحسناتكم. اللهم انك تعلم ان هذه القلوب قد اجتمعت على -

كتابك وعلى محبتك. والتفت يا ربنا على طاعتك. وتوحدت على دعوتك. وتعاهدت على نصرة شريعة فوثق اللهم رابطتها. وادم مدها 00:29:57 واهدها سبلها. واملأها بنورك الذي لا يخبو. واشرح صدورها بفيض الابيام -

بك وجميل التوكل عليك. واحيها يا ربنا بمعرفتك. وامتها على الشهادة في سبيلك انك نعم المولى ونعم النصير. والسلام عليكم 00:30:17 ورحمة الله وبركاته. نراكم غدا باذن الله كنا من اهل الدنيا -

00:30:34 -